



*Faint, illegible handwritten text, possibly bleed-through from the reverse side of the book cover.*

29151



23012



DE  
HUMANAE VITAE  
CONCORDIIS,  
ET VARIIS AFFECTIBUS  
ET VITIIS ALIQV  
VITIIS,  
CENTONES.  
Auctore  
FRANCISCO GONZALEZ  
Mater in Celsis  
  
LONDINI  
IN PLECE PALATINA  
Apud Iohannem Baptistam  
MDCCLXXII.

40  
LE PREMIER  
LIVRE DE LA CON-  
templation de nature humai-  
ne, cōtenant la formation  
de l'enfant au uentre  
maternel :



Composé par M. Nicole de Haupas,  
Medecin de Doulens.

*La vie de l'homme est une vue  
Sur la Terre*  
A PARIS, *chez M. de la Harpe*

De l'imprimerie de Michel de Vascosan,  
demourant à l'enseigne de la Fon-  
taine, Rue S. Iaques.

M. D. L V.

PAR PRIVILEGE DV ROY.

*1590. C. J. 15*

L E P R E M I E R

L I V R E D E L A C O N

templation de nature humaine

ne, contenant la formation

de l'esprit au verbe

matériel :



Composé par M. Nicole de Flupar  
Médecin de Douvres.

A P A R I S,

De l'imprimerie de Michel de Vascosan  
demonstrant à l'enseigne de la fontaine  
sainte. Rue de la Harpe.

M. D. L. V.

PAR TRIVITECH BY ROY.

A T  
Sant  
Se



l'acme  
tresbon  
comme  
de telle.  
plaisir q  
de si que  
pour la  
saint de  
quoy nos  
d'estude.  
sire noble  
ne meill  
à nostre n



A TRESHAVLT, ET PVIS-  
 sant seigneur Anthoine de Bayencourt,  
 Seigneur de Bouchauennes, de Equen-  
 court, &c. Gouverneur de Couf-  
 sy, Capitaine des Ville & Cha-  
 steau de Doulens. N. de  
 Haupas desire salut.

**M**ONSEIGNEUR, apres  
 auoir examiné à part moy, les  
 tresnobles dons, desquelz natu-  
 re uous a doué, & que i ay ueu  
 uostre tresgrande prudence en  
 l'administration de uostre gouvernement: & le  
 tresbon ordre que uous donnez à toutes choses,  
 comme il est requis à un capitaine & seruateur  
 de telles places que uous estes: mesmement, le  
 plaisir que uous prenez en la lecture des liures,  
 desquelz cognoissez tirer quelque proufit, tant  
 pour la cōmodité de uoz subiectz, que pour le  
 salut de uostre personne: qui est la cause, pour-  
 quoy uous auez tousiours porté faueur aux gēs  
 d'estude. en quoy reluit merueilleusement uo-  
 stre noblesse. Dont moy estant à uostre seruice,  
 ne uueillāt iamais estre oysif (apres auoir dedié  
 à uostre nom noz Paraphrases sur les Apha-

rismes d'Hippoc.)ay cherché les moyès de escri-  
re chose qui nous soit agreable. Et n'ay riens  
peu excogiter plus propre (selon mon aduis) que  
la contemplation de nostre propre corps, & de  
l'essence de nostre uie. Et n'estime chose en ce  
monde, en quoy l'homme bien institué, se doive  
plustost arrester, qu'à la cognoissance de soy mes-  
me, suyuant l'oracle anciennement consacré au  
temple d'Apollo, γινῶθι σεαυτῶν, c'est à dire,  
Estudie à cognoistre toy mesme. Et pour ce, on  
doit tenir pour chose uaine & ridicule, desirer  
cognoistre les choses externes, & estre ignorant  
de soy. Laquelle chose toutefois nous uoyons es-  
tre grandement usitée entre les uiuans. Car plu-  
sieurs desirēt uaguer par mer & par terre, pour  
ueoir les nouuelletez du mode. Les autres met-  
tent grand' peine, & consomment leur miserable  
uie à la sophisterie. Les autres se tourmētent en  
ueillant mesurer le ciel & la terre, & l'espace  
depuis leurs piedz iusques aux estoilles, & co-  
gnoistre les uertus, grandeur, & nombre d'icel-  
les. Les autres se delectent à lire fables poeti-  
ques, & mensonges. Je ne dy point que telles  
choses ne soient delectables: mais au regard de  
la contemplation de ce domicile de l'ame raison-  
nable, ou est imprimé le uestige du createur,

nous n'estimons nulz de telz labeurs estre prou  
 fitables: car il n'est creature en ce monde, plus  
 noble que celle pour laquelle toutes les autres  
 creatures sont faictes. Le ciel, & les quatre ele  
 ments, & tout ce qui est contenu en iceulx: &  
 que plus est, les anges (comme nous tesmoigne  
 l'escriture) ont esté faictz pour l'hõme. Delais  
 sons donques toutes estudes uaines, & esteuõs  
 noz espritz, pour contempler que c'est de nous  
 mesmes: ensemble, la prescience inestimable du  
 createur. Nous trouuerons que en la distributiõ  
 des parties de nostre corps, il nous a demonstré,  
 quelle action il requiert particulièrement en  
 nous: & quelle uocation nous deuons tous  
 poursuyure: ce que uerrons apertement, si nous  
 considerons pour exemple, les natures des trois  
 membres principaulx de nostre corps, qui sont  
 le foye, le cueur, & le cerueau. Car le foye nour  
 rist le corps entierement, moyënant son labeur,  
 qui est la sanguification: & le cueur faict par  
 ticipant d'esprit uital une chacune des parties  
 corporelles, & incite tous les membres à defen  
 se, alencontre des uiolences iniustes, qui pour  
 roiet inferer douleur, peine ou mort. Le cerueau  
 donne conseil au cueur, & sentimèt, avec mou  
 uement uolontaire à l'uniuersité du corps: telle-

ment que nous pourrions tirer d'icy la figure  
d'une monarchie, ou royaume bien policie. Car  
l'un peult estre comparé au laboureur & peu-  
ple mecanic. Le second, aux Princes, seigneurs  
& gouverneurs. Le tiers, au Monarche. L'un  
obeit seulement & ne commande en rien. L'au-  
tre commande, & obeit: & le tiers commande  
seulement. Tous les trois prennent l'un de l'au-  
tre, & donnent l'un à l'autre, ayans une perpe-  
tuelle cōfederation ensemble, qu'il n'est possible  
de rompre sans la dissolution & perte de tou-  
te la monarchie. Cestuy donques qui ne s'es-  
meut à la consideration de chose tant noble, cer-  
tainement il est du tout estrangé de la nature  
humaine, ueu que cecy tire l'esprit à l'admira-  
tion de la puissance & bonté diuine. Et porte  
grand proufit à la conseruation de la santé cor-  
porelle, & induit chacun en son estat & de-  
gré, de faire son deuoir. Afin donques que con-  
templation tant digne ne soit delaissee es tene-  
bres d'oubliance, par ne s'en soucier, nous auõs  
uoulu la rediger en methode, & mettre par e-  
scrit en langage François, tant pour la dignité  
de la langue, qu'à fin que chacun en ait la co-  
gnoissance: ce qui n'eust peu estre, si nous l'eus-  
sions mis en langue latine. Et auons proposé (si  
nous uoyans que la chose uous soit agreable,

4

Monseigneur) digerer tout le uolume en quatre liures. Dont au premier (que ie vous presente maintenant) nous auons traicté en bref la formation de l'enfant au uentre maternel. Au secõd, nous traicterons la noblesse & beauté du corps humain : & y donnerons à entendre les facultez, actions, substances, & figures de chacune partie externe. Ensemble, nous aduertirons les chirurgiẽs de faire leurs incisiõs aux playes, ulceres, ou apostumes, au proufit des patients. Au tiers, nous declairerons au long toutes les parties internes d'iceluy corps humain, & enseignerons leur situation, substance, & office, en aduertissant souuentefois le lecteur de ce que le createur nous a voulu monstrer, en la composition de tel œuure : & donnerons l'intelligence des maladies, qui peuuent suruenir à chacune partie du dedans. Au quatrieme nous demonstrerons la nature de l'ame. Vous prendrez donques ( Monseigneur) ce premier liure & permettez qu'il soit mis en lumiere soubz la protection de uostre renommee, attendant les autres. Et ce pendant, ie supplie le Createur vous donner en tresbonne santé, heureuse & longue uie. De Doulens ce uingtieme iour de Feurier, l'an 1554. auant Pasques.

A iij

*IL EST permis à Michel de Vascofan, Imprimeur & Libraire iuré en l'Vniuersité de Paris, d'imprimer & uendre ce present liure, intitulé De la contemplation de nature humaine : composé par M. Nicole de Haupas, Medecin de Doulens: & defendu à tous autres de n'imprimer ne uendre en ce Royaume ledict liure, que de la presente impression durât le tēps & terme de dix ans, sur peine de confiscation desdictz liures, & d'amende arbitraire. Cōme plus amplement appert par le priuilege otroyé par le Roy audiēt de Vascofan. M. D. LIII.*

*Mahieu.*

5

LE PREMIER LIVRE  
DE LA CONTEMPLA-

tion de nature humaine, contenant la  
formatiõ de l'enfant au uêtre ma-

ternel: Composé par M. Ni-  
cole de Haupas, Me-  
decin de Doulens.

De la cause des diuersitez de sexe aux ani-  
mans, & de la semence de l'homme, &  
de la femme.

Chapitre premier.



IEV le souuerain seigneur,  
& createur de toutes choses,  
au commencement du mon-  
de, par un conseil indicible,  
& prudence inestimable, a  
machiné non seulement en l'espece hu-  
maine, mais aussi en toutes les autres es-  
pecds d'animans, deux sexes: l'un masse,  
& l'autre femelle. Lesquelz deux, par cer-  
tains allichemens de uolupté, se conioin-  
droient ensemble, pour la generation de  
leur semblable, & la conseruation de leur  
mesme espece: à cause de la condition in-

DE LA CONTEMPLATION

evitable de mort à tous indiuidus animés, que la uolonté diuine leur auoit ordonné. En ceste cōiunction uoluptueuse, l'hōme & la femme iettent naturellement leurs semences: lesquelles ioinctes l'une avec l'autre, sont receuës, & cōseruees à la matrice de la femme. Et sont lesdictes semēces, la matiere de l'enfant: comme nous uoulons declairer en ce premier liure. Et à fin que dōnons la uraye intelligence de tout, nous diffinirons premieremēt la semence: & dirons, que ce n'est autre chose, qu'une superfluité utile de l'aliment sanguin, dispersé par tout le corps apres la quatrieme digestion. Laquelle superfluité, est attirée par les uaisseaux spermatiques, & est cuitte, parfaite, & conseruee dedans les genitoires, pour seruir à la generation. Aucuns medecins ont estimé, qu'icelle semence (que nous auons dit superfluité) procede du seul cerueau: les autres de la moelle des os: ce que ne uoulōs approuer. Vray est, que la plus grande partie d'icelle descend du cerueau, mais le total procede de tout le corps uniuersel, & de chacune partie d'iceluy. Car c'est cho

*semence.*

*ou procede  
semence.*

ne condition de la cause de la semence. se



se manifeste, que s'elle ne fluoit du total, toutes les parties de l'enfât n'en pourroiet estre faictes. Il fault donques, que toutes les parties soient faictes de leurs semblables parties. Cecy nous est approuué par la similitude des enfans au pere ou mere: & par l'imbecillité de certains membres des parens, delaissee pour heritage à l'enfant: comme si l'un des parens (c'est à dire pere ou mere) a le cerueau, foye, poulmon, ou uentricule debile, l'enfant retiét le plus souuent icelle debilité. Mesmement est subiect à certaines maladies, que lon pourroit dire hereditaires, ou de pere en filz. Marcus Varro a uoulu maïtenir (ce qu'aussi bien Aristote pensoit) que la femme n'a point de semēce, & qu'elle n'est cōcurrente actuellement à la generation de l'enfant, car la seule semence uirile (dict il) se porte actuellement à ce faire: laquelle par sa uertu, soy tournāt en espritz, prēd son nourrissement du sang mēstrual, bien purifié: lequel sang seroit la matiere de l'enfant, que nous nommerons d'oresenauant pullulāt, tant que nous ayōs mōstré sa formation, iusques à sa parfaicte uie.

*Maladies hereditaires.*

*Scauoir si la femme a semence.*

*Embryō, ou pullulāt.*

DE LA CONTEMPLATION

Icelle semence uirile (comme un certain ouvrier) dispose la matiere, & la prepare à la fin naturellemēt pretendue. Voila l'opinion de Marcus Varro, & d'Aristote: laquelle n'estimons contenir uerité: toutefois que n'ayons mis la main à la plume pour confuter toutes les folles opinions, & facetieuses resueries, que lon pourroit icy alleguer. Disons donques en brief, & tenons pour ueritable, que les deux semēces, cōioinctes en la matrice, & depuis coagulees, sont la cause materiele du pullulāt. Desquelles deux, la feminine, pour ce qu'elle est la plus froide, & plus humide, attempere & entretient la uirile.

Declaration de ce qui se fait tost apres que les semences sont retenues en la matrice. Chapitre second.

**Q** Vand donques la matrice a prins & retenu les deux semēces meslees ensemble, elle, par sa chaleur naturelle qui est uehemente, les eschauffe soudain si fort, que à l'entour desdites semences se concree une pellicule, quasi semblable à celle qui est au dessoubz de la coque d'un œuf:

œuf: en sorte que le tout est fait tel qu'un œuf abortif. Ladite pellicule est nommée par les Grecs *αἰθίον*, par les Latins *Secunda*: nous l'appellons vulgairement *secundine*: & est faite aux trois premiers iours principalement de la semence feminine: laquelle, d'autant qu'elle est plus humide que l'autre, d'autant est elle plus facile à s'estendre, & à s'élargir. Icele *secundine* ne sert point seulement à tenir en soy les semences enfermées: car il faut entendre, que grand nombre de veines & artères du corps de la femme, principalement des vaisseaux spermatiques, & de la veine caue, viennent prendre leurs fins, & se terminent en la matrice: à fin que par les orifices desdictes veines & artères, le sang menstrual flue, en temps opportun, pour la purgation uniuerselle de la femme: de quoy nous parlerons en autre lieu. Iceux orifices, sont semblables aux acetables ou capillamens d'un poisson nommé *Polypus*. Et à cause de ceste similitude, les Grecz les ont appellez *κοτυληιδνες*.

Voyez au ch.  
piere 4.

Bouches de  
veines uena  
à la matric

Du grand amour que porte la matrice aux semées, & de la generation de l'ubilic.

DE LA CONTEMPLATION

Chapitre III.

**N**Ous disons donques, que la Secundine ne sert point seulemēt à tenir en soy les semences: car la matrice aymant d'un grand amour naturel la semence, fait tant, que la secundine s'attache de toutes pars à elle, à fin que plus facilement elle puisse employer sa chaleur naturelle, & rassasier son amour, en la conservation, entretenement, & augmentation des semences. Or est que grand nombre de fibres, diuersement tissues & entrelacees, se font tout à l'entour de la Secundine: lesquelles fibres assemblees au milieu d'icelle, font deux ueines, & deux arteres: & au milieu d'icelles une ouuerture, que les Grecz appellent *σπυρς*, qui est le pertuis de l'umbilicus: communemēt appellé l'umbilic, ou nombril. Et icelles ueines sont comme les racines du naiffat, pour attirer le nourrissement, cōme nous dirons cy apres.

De l'ebulition de la semēce en la matrice, & de trois ampoules, qui sont les lieux des trois principaulx mēbres, c'est à scauoir, du foye, du cueur, & du cerueau.

Cha-

*La generation  
de l'umbilic.*

## Chapitre IIII.

**D**Onques aux six premiers iours fac-  
coustrét les susdictes ueines, fibres,  
& arteres par toute la semence : la-  
quelle semence boult tousiours dedans la  
Secundine, conioincte à la matrice. Et le  
neuvieme iour est forgé l'umbilic par la  
côcurrence & conionction des deux uei-  
nes & arteres, côme diét est. Mais il fault  
icy noter, que les cotylidones (que nous a-  
uons dit estre les bouches d'innombrables  
ueines & arteres du corps de la femme, in-  
ferées en la matrice) font pareilles ouuer-  
tures à la Secundine, qu'à la matrice: par  
lesquelles ouuertures passé grande quan-  
tité de sang & d'espritz dedans les uenul-  
les, tissues & entrelacees entour la Secun-  
dine : & se meinent par le pertuis *ἄρτηρ*  
ou umbilic, dedans la semēce: & se meslēt  
tous ensemble, tant pour la nourriture &  
augmentation de la matiere du naissant,  
comme pour la formation des membres  
principaulx. Les espritz donques, & le  
sang meslez avec la semence, qui desia au  
parauant bouloit, commencēt à boullir,

*Cotylidon*

DE LA CONTEMPLATION

& tousiours boullét de plus en plus, telle-  
mēt que s'esleuēt trois petites ampoules,  
semblables à trois petites uefsies, ou aux  
bouillōs qui s'esleuent en l'eau agitee par  
la pluye. Icelles ampoules sont les lieux,  
ou serōt formez le foye, le cueur, & le cer-  
veau: les trois principaulx membres de  
tout le corps. Et deuāt qu'icelles ampoul-  
les soient leuees, la semence est tousiours  
appellée semence, en Grec  $\sigma\omicron\upsilon\mu\iota$ , en Latin  
Semen, & non pas  $\tau\omicron\ \epsilon\upsilon\beta\omicron\upsilon\tau\omicron\varsigma$ , ou fœtus,  
c'est à dire pullulant, naissant, ou meurif-  
sant. Et ne sera appellé enfant, tant que tou-  
tes les parties soient figurees, & que l'amē  
y soit introduite.

vers noms  
r la diuer-  
des iours,  
temps

De la generation du foye, & autres parties  
œconomiques du corps, & de la ueine  
caue, qui est le tronc de toutes les au-  
tres ueines.

Chapitre V.

**L**A ueine que nous auons dict consti-  
tuer le nombril, suce par les cotylido-  
nes le sang plus gros, & de plus grād  
nourrissement: lequel, à cause de sa gros-  
se,

fesse, se fige aisément. Estant donques par-<sup>generation du</sup>  
 tenu à l'inférieure uescule des trois, qu'<sup>foye.</sup>  
 tuos dist, s'y arreste: & se coagule au milieu  
 de la ueine, & diuise la ueine en deux rameaux.  
 Al'un desquelz, il s'attache fermement, & s'engendre le foie: duquel, cōme  
 appert maintenant, la substance est sang <sup>substance du</sup>  
 gros, empris, & coagulé. A l'autre rameau <sup>foye.</sup>  
 d'icelle ueine, diuisee en la generation du  
 foie, se conctee *μεσεντερον*, le mesentere,  
 le uentricule, ou estomach, la rate, & les  
 intestins. Voila la naissance du foie, & des  
 autres mēbres oeconomies, & nutritifs.  
 Le foie estant acheué & parfait, il s'engendre en sa partie gibbeuse, un gros trōc  
 de ueine, qui est la ueine caue, en Grec  
*κείλη*, laquelle infere & estend ses racines  
 par toute la substāce du foie. Icelle ueine  
 dresse certaines brāches en hault, desquel  
 les se font le *σπινθηρα*, & la partie de l'es  
 pine dorsale, au dessus du diaphragme.  
 Autres branches d'icelle ueine descendēt  
 en bas, dont sont faictes la partie inferne  
 de l'espine dorsale, enuiron les rongnons,  
 & iceulx rongnōs, & autres parties d'alentour.  
 Il appert maintenant que le foie, &

DE LA CONTEMPLATION

autres parties icy dictes, sont engendrees de seul sang.

De la production du cueur  
Chapitre VI.

**P**our mieulx donner à entēdre nostre  
entreprinse, il fault souuentefois re-  
memorer, que nous auons dict, que  
dedans l'umbilic sont inseees une ueine  
& une artere, qui s'estendent par toute la  
semence: & auons declairé, que du sang,  
mené par la ueine, sont forgees les parties  
œconomiques: regardons maintenant à  
quoy nous peult seruir l'artere. Certaine-  
ment icelle artere, apres la generation des  
susdictz membres, par le moyen du sang,  
mené par la ueine, se retire uers l'espine  
dorsale: & petit à petit, à la secunde &  
moyenne ampouille: qui est le lieu ou  
fera engendré le cueur. Ceste artere atti-  
re par le nombril le sang treschault, & fort  
spirituel: duquel sang, en icelle uesicule  
ou ampouille, se concree le cueur, qui est  
de substance charneuse, solide & espesse,  
comme appartient au mēbre le plus chault  
de

le cueur.

substance du  
cueur.



de tous les autres membres du corps : ce que nous declairerons plus amplement au tiers liure de cest opusculé, ou nous enseignerons les noblesses, les qualitez, offices, substances, situatiōs, & figures de chacune particule du corps intérieur. Retournons à nostre propos, & disons qu'en la substance du cueur sont faictz deux uentricules, l'un au costé droit, & l'autre au fenestre. Au droit uentri-  
*Deux uentri-  
cules du cueur.*

cule se uient inserer le tronc des ueines, que nous auons dict estre planté dedans la partie gibbeuse du foye. Icelle ueine apporte au cueur la nourriture, premier qu'à tous autres membres, comme appartient que le roy (qui est le cueur) soit seruy de ses œconomes & laboureurs, qui sont le foye, & les parties nutritiues.

De la generation de la ueine arteriele, & du tronc de toutes les arteres, ensemble de l'artere ueneuse, & de l'esprit uital. Chapitre VII.

**D**Essoubz la grosse ueine, que nous auons dict apporter le nourrissement

DE LA CONTEMPLATION

au cueur, se concree petit à petit une autre  
 ueine, c'est à sçauoir du mesme uentricule  
 du cueur, icelle seconde ueine est appellee  
*ueine arteriele* quieta: les Grecz l'ont nōmee ἀρτηρώδης,  
 c'est à dire arteriele, pour ce qu'elle a plu-  
 sieurs tuniques, & fort espees, cōme ont  
 les arteres. L'office de ceste ueine est porter  
 droict au lieu ou sera le poulmon, le sang  
 plus affiné, bien cuiet & subtilié par la  
 chaleur du cueur: & de ce sang se faiet le  
 poulmon, comme nous dirons tantost.  
 Disons premieremēt que du fenestre uē-  
 tricule, ou cavitē du cueur, pullule une ar-  
 tere fort grosse, nommee des Grecz ἀορτή.  
*Le tronc des* Icelle artere est le tronc de toutes les au-  
*arteres.* tres arteres: par lesquelles le cueur, cōme  
 roy debonnaire, enuoye l'esprit uital, pre-  
 mierement au foye, pour retribution de la  
 nourriture que luy apporte la ueine caue  
 (messagiere du foye) & depuis par tout le  
 corps. Mais nous dirōs au troisieme liure,  
 comment toutes ces choses se font: ache-  
 uons icy en brief ce qu'auōs proposē. L'es-  
 prit uital n'est autre chose, qu'une substā-  
*Esprit uital.* ce subtile, aēree & lucide, qui est faiete de-  
 dans le fenestre uentricule du cueur, pro-  
 duiete

duicté des plus delicates parties du sang.  
 Icele partie aëree estant transportee du *Office de l'esprit vital.*  
 cueur par tout le corps, est la cause de la  
 chaleur que nous auons naturellement:  
 ainsi comme le sang transporté du foye, *Chaleur natu-*  
 est le nourrissement uniuersel. Ceste gros *rele.*  
 se artere (cōme nous auons dict de la gros  
 se ueine) se diuise en rameaux innume-  
 rables, espanduz par routes les parties, &  
 particules du corps. Et fault noter que ce  
 mot (*ἀορτή*) qui est le nom de ceste artere, *La significatiō*  
 uault autant à dire en langue Macedoni- *du nom aorte.*  
 que, comme (*uagina*) une guaine ou four-  
 reau: pour ce qu'elle est fort grosse & es-  
 pesse, mesmement six fois plus espesse  
 que les ueines; & la cause de son espesseur  
 est, craignant que ceste substāce subtile &  
 aëree ne s'euapore: ce qui se feroit facile-  
 mēt si elle estoit aussi rare que les ueines.  
 Dessoubz cest artere, tout à tenant, & du *Artere ueneuse*  
 mesme uentricule croist une autre moin-  
 dre artere, appellee artere ueneuse: car  
 ueu qu'elle soit pulsatile, & que de uray el-  
 le soit artere, de mesme office q̄ les autres;  
 toutefois elle est appellee ueneuse, à cau-  
 se qu'elle n'a qu'une simple tunique, com

DE LA CONTEMPLATION

*Office de l'artere ueneuse.*  
me les ueines proprement appellees ueines. Et ceste artere ueneuse est ordonnee pour apporter au cueur l'aer uenant du poulmon, pour la refrigeration d'iceluy cueur: ensemble pour le reporter quand il sera trop eschauffé, pour de rechef en apporter de l'autre froid: & ainsi tousiours continuer.

De la generation du poulmon  
Chapitre VIII.

*Le poulmō & sa substance.*  
**N**Ous auons dit au chapitre precedēt, que deux ueines sortent du droict uētricule du cueur, & deux arteres du fenestre. Icelles ueines & arteres estans esleuees en hault, iusques au lieu ou doit estre situē le poulmō, s'entrelacent ensemble: alors se commence à former le poulmon, duquel la chair se faiēt, principalemēt du sang subtil, que la ueine arteriele tire du droict uētricule du cueur: & est icelle chair spōgieuse & legiere, & quasi telle qu'escume de sang coagulee: à cause que le sang duquel elle est faiēte, est subtil & legier. Cela faiēt, les rameaux des ueines & arteres se largissent, & alors petit à petit

tit se font τραχῆα ἀρτηρία, οἰσοφάγος: la trachee artere, l'œsophage, & tout le thorax: puis apres les brachs & les mains, & depuis les cuiffes, les iambes & les piedz. Plato a appellé le poulmō ἄλμα μαλακὸν, c'est à dire, gracieux & delicat uentilabre du cueur: ce que nous laisserons à declairer, quand nous escrirons la maiesté royale du cueur.

De la pullulation de la teste, du cerueau, & de ses parties. Chapitre IX.

Pres auoir monstré succinctement, **A** comme nous auons proposé faire, la pullulation du foye, du cueur, & autres membres qui procedēt d'iceulx, il reste maintenant que nous acheuons de mōstrer la production de la partie la plus excellente de tout l'œuure: qui est le tres-noble siege de toutes les functiōs, la uraye fontaine du sentimēt & mouuemēt, le magnifique palais d'intelligence & memoire, la uraye arche de raisō: c'est le cerueau, lequel s'engēdre ainsi que s'ensuit. Apres la production des parties deuant nōmees la plus grande partie de la semēce, est poulsee en la troisieme āpouille, de quoy nous

grande lousage du cerueau

La producion du cerueau

DE LA CONTEMPLATION

auons au parauant parlé. Icelle semence est pleine d'espritz: & à fin q̄ iceulx espritz se puissent mieulx conseruer, ilz ne cessent d'attirer tousiours & assembler en ceste ampouille, le plus qu'il est possible, de ce en quoy ilz sont conseruez: qui est la semence, de laquelle seule est faicte la substance du cerueau: à l'entour duquel ainsi faict s'engendre un couuercle: lequel par successiō de temps, tant par la chaleur de la matrice, que par la nature seminale, se deseiche, iusques à ce qu'il ayt acquis dureté d'os. Le cerueau dōques n'est faict de sang, comme les autres parties inferieures: mais il est faict de seule semence, ainsi qu'auōs declairé. Car la semēce est trespropre matiere à receuoir, conseruer, & alterer la tresnoble nature des espritz: qui sont les causes des sens, & du mouuemēt uolontaire. L'origine donques de tant excellent domicile, ne doit estre substance infirme, comme nous exposerons amplement au troisieme liure de cest opusculé. Apres le cerueau & teste faictz, incontinent sont adioustees les autres parties, cōme la face, & autres: & la maniere de la production

substance du  
cerueau.

etane.

DE LA  
production d  
celles n'au  
que au  
nous n'au  
net une ge  
duction de  
laquelle it  
ment eue,  
liures de

De la na  
mal.

Tout  
nent  
les au  
neffion  
au cerue  
de libtan  
ne font c  
& carres  
dequoy n  
pan. Erro  
les pour  
res de la  
font les p

production d'icelles, cōme des autres, des-  
 quelles n'auons declairé l'origine, sera co-  
 gneuë aux liures sequentz : car en cestuy  
 nous n'auōs proposé autre chose que dō-  
 ner une generale intelligence de la pro-  
 duction de l'enfant au uentre de la mere,  
 laquelle intelligence ne sera parfaicte-  
 ment euë, sinon par la lecture de tous les  
 liures de ce petit uolume.

De la naissance des nerfs, & de l'esprit ani-  
 mal. Chapitre X.

**T**Out ainsi que toutes les ueines pren-  
 nent leur origine au foye, & toutes  
 les arteres au cueur, ainsi tous les  
 nerfz ont leur commencement & source  
 au cerueau, & sont de la nature d'iceluy :  
 de substance uisqueuse, tillâte & dure, &  
 ne sont caues ou creux comme les ueines  
 & arteres, excepté les deux nerfz optiques:  
 dequoy nous assignerons la raison autre  
 part. Et tout ainsi comme les ueines sont  
 les porteurs du nourrissement, & les arte-  
 res de la uie ou esprit uital: ainsi les nerfz  
 sont les porteurs & messagiers du senti-

Origine de  
 nerfz & de  
 leur substan

DE LA CONTEMPLATION

ment & mouuement uolontaire, & ce par le moyen de l'esprit animal: lequel esprit commet & de quel lieu les nerfs le reçoivent, à cause de briuete ne le uolôs icy declairer.

De la naissance de la nuque, & de la difference entre la moëlle des os & celle du cerueau & de la nuque.

Chapitre XI.

**L**A medulle dorsale ( que les Arabes ont appellé nucha ) s'engēdre du cerueau, & sont tous deux d'une mesme substance: c'est à sçauoir de semēce. Nous l'appellerōs medulle, par un nom impropre: car il y a grande difference entre medulle proprement dictē, & ceste medulle dorsale, ausi celle que nous pourrions improprement nommer medulle cerebrale: car la medulle proprement dictē, qui est contenue dedans les os, est une superfluité du nourrissement, nee du sang, ordonnee pour humecter & nourrir les os: mais le cerueau & la nuque ne sont de sang, cōme auons tant de fois dict, ains de seule semen-



semence, & ne sont ordonnez cōme nourrissement des autres parties : car ce sont deux membres de certaine nature, deputez pour la procreatiō des nerfz : dōt fault entendre que tous les nerfz ne sont produictz du cerueau, car quelques coniugations d'iceulx croissent de la nuche. *coniugati*

Brieue declaration des membres spermatics, & des sanguins: & pourquoy les mēstrues ne fluēt point aux fēmes grosses.

### Chapitre XII.

**L**Es os donques, les cartilages, les ueines, les arteres, le cerueau, la nuche, les nerfz, les ligamentz, les panicules, le *πλευρά*, la peau externe, l'iuolucure du pullulāt, le *χεῖλον*, sont tous engēdrez de la seule semēce, & pour ce sont appellez mēbres spermatics. Mais la chair & tous mēbres de substāce charneuse, cōme le foye, le cueur & le poulmō, sont faitz de sang: comme nous auons monstré. Faisons donques icy une brieue recollection de tout ce que nous auons dict. Les semences, uirile & feminine se ioignent ensemble en

DE LA CONTEMPLATION

la matrice: elles sont augmentees du sang mēstrual, que attirent les uenulles de l'ū-bilic du pullulant par les cotylidones: duquel sang les membres charneux sont faitz, & les spermatiqs sont cōstituez de la seule semence . Lesquelz toutefois ne sont nourriz de semēce : car depuis qu'ilz sont construietz & parfaictz, prennent l'alimēt ensemble avec les parties charneuses: c'est à sçauoir du sang menstrual intromis par les uenulles de l'umbilic : qui est la cause, pour laquelle les mēstrues cessent aux femmes grosses, l'enfant se portāt bien: car quand les mēstrues leur fluent, c'est mauuais signe pour l'enfant.

so. lib. 5.

La distribution du sang menstrual attiré par l'umbilic, & de la generatiō du lait aux mammelles de la mere.

Chapitre XIII.

**D**'Autant plus que le pullulant collige en soy de uertu, d'autant attire il plus grāde copie de sang mēstrual, tant pour son augmentation, que pour sa nourriture . Lequel sang est distribué en  
trois

trois parties: desquelles la premiere, qui est la pl<sup>e</sup> pure, est la nourriture de l'enfant: la seconde, qui est la moins pure, regurgite de la matrice par les ueines qui montent d'icelle matrice, droit aux māmelles de la mere, dequoy se fait le lait pour la nourriture de l'enfant quand il sera né: nous parlerons autre part plus amplemēt de cest affaire. La troisieme partie de ce sang, qui est la moins pure que les deux autres, demeure nageant en la matrice, & est expulsée avec la Secūdine apres q̄ l'enfant est né. Hippocrates cōferme ce qu'auons dict, le lait estre fait de sang menstrual, disāt γάλακτα εἶναι ἀδελφὰ ἀδμήμων, c'est à dire, le lait est cousin des mēstrues.

*De quoy  
fait le lait*

De la diuersité des iours, ausquelz chacun membre est formé, & quād l'enfant est parfait. Chapitre XIII.

**N**Ous auons dict qu'aux six premiers iours les semēces se font quasi en figure d'un œuf abortif, en laquelle figure s'esleuēt trois petites ampoules, & que alors les semences retiennent encore

DE LA CONTEMPLATION

le nom de semence, en Grec γωνί, & n'ont  
 encores le nom τὸ ἐμβρυον, c'est à dire pul-  
 lulât ou naissât iusques à neuf iours apres,  
 qui sont le quinzieme de la conception :  
 auquel temps par l'attraction du sang  
 menstrual, se commencent à former le  
 foye , le cueur & le cerueau . Douze  
 iours apres, qui est le uingtseptieme iour  
 de la conception , la delineation d'icelles  
 trois parties foye, cueur, & cerueau, est  
 cognoissable : & alors n'est plus appellé  
 semence, mais pullulant. Dixhuit iours en  
 suyuant , qui est le quarantecinquieme  
 de la conception, les autres membres sont  
 formez & separez les uns des autres, & a-  
 lors est le commencement de la vie : par-  
 quoy n'est plus appellé pullulant, mais en-  
 fant : toutefois à cause de son imbecillité  
 il ne se peult encore mouuoir. Icy fault  
 noter la belle reigle d'Hippocrates: Les  
 iours (dict il) depuis la conception iusques  
 à la formation totale estâs doublez, nous  
 monstrent le iour du mouuement de l'en-  
 fant: & les iours du mouuement triplez,  
 nous enseignent le iour de l'enfantemēt.  
 Exemple, si le pullulant est formé le qua-  
 rante-

rantecinquieme iour, il se meut le nonā-  
 tieme: & est enfanté & mis en ceste lumie-  
 re le neuvieme moys. Toutefois il ne fault  
 icy omettre que les enfans masles, à cause  
 de la chaleur qu'ilz ont plus grāde que les  
 femelles, sont plus tost formez que les fe-  
 melles: & que plus est, en une mesme espe-  
 ce les uns sont plus tost uenez à matu-  
 ration que les autres: mais le temps plus  
 frequent de la natiuité des masles est le  
 neuvieme moys: & aux femelles le dixie-  
 me ou aucunesfois l'unzieme. Il me seroit  
 facile d'amener les autoritez des philo-  
 sophes, & les raisons des medecins, ce que  
 ne ueulx faire à cause de la brieueté que  
 j'ay proposé obseruer.

*Les enfans m-  
 les plus tost fo-  
 mez que les  
 melles.*

*Temps de la  
 natiuité.*

Des excrementz de l'enfant au uentre ma-  
 ternel. **Chapitre XV.**

**L'**Enfant au uentre de la mere cōmen-  
 ce à uriner soudain apres que toutes  
 ses parties sont formees: icelle urine  
 sort par le meat de l'umbilic, que nous a-  
 uons nommē *ὄμφαλις*. Mais aux derniers  
 moys qui sōt uoifins de la natiuité, cestuy

*Urine de l'  
 fant.*

DE LA CONTEMPLATION

meat se ferme, & commence l'enfant à uriner par la uerge. Il n'a point encore les egestions par le fondement, à cause qu'il ne prend point encore l'aliment par la bouche, & que le uêtricule ou l'estomach ne fait encore son office, dont rien n'est transporté aux intestins. L'urine donques sortant par la uerge, se respand en une petite membrane separee de l'enfant, ordonnée de nature à cest office, craignât qu'elle ne face quelque nuisance à cestuy enfant. Icele membrane est nommée *αλαγτοειδής*. Aupres de ceste mēbrane s'en engēdre encore une autre pour receuoir les sueurs, nommée *αμείος*, cōme si nous disions de nature d'aigneau, ou douce. Empedocles a esté autheur de ceste appellation.

Comment l'enfant s'efforcé de sortir hors du uentre de la mere, & de la natiuité.

Chapitre XVI.

Quand l'enfant au uêtre maternel est formé & deuenue en quantité suffisante, alors il a affaire de plus grād nourrissemēt qu'il n'a tousiours eu au parauāt:  
& n'en

& n'en peult plus tirer de l'umbilic tant qu'il luy en seroit besoing: ce qui est cause que par grande impetuosité s'efforçant à chercher alimēt, se meurt & rompt tous les panicules & soustenemēs qu'il a tousiours eu iusques à ce tēps: dont la matrice se sentāt itereffee, ne le ueult & ne peult plus loūgement soustenir: ains s'efforçant à l'expulsion, s'ouure, & par icelle ouuerture l'enfant sentant l'aer entrer, le poursuit, & s'efforce de plus en plus soy tirer uers l'orifice de la matrice, la teste deuant. Alors se fait la natiuité decēte & naturele, & entre en ceste lumiere, non point sans grande uiolence, grand douleur, & offense de son corpuscule tendre & delicat: dont en plorant fait icy son entree, quasi par coniecture ou diuination naturelle des calamitez de la uie humaine.

Du temps commode ou incommode à la natiuité. Chapitre XVII.

**L'**Enfant né au VI moys ne peult uiure à cause qu'il est encores trop inualide & que ses membres n'ont point en-

DE LA CONTE M P L A T I O N

core du tout leurs perfectiones. Au VII il peult uiure, & de ce Pline en son histoire naturelle recite plusieurs exemples de ceulx qui ont esté preux & uailans : toutefois, qui est chose admirable, ceulx qui sont nez au huitieme, ne uiuēt iamais. La raison astrologique, est que le VIII mois n'est mois critic, comme est le VII, ou le neuueme, ou bien l'unzieme, ou pour ce que le soleil se meut par un signe du Zodiac opposite au signe de la cōception, ou pour ce que chacun des sept planetes respond à chacun mois que l'enfant est au uentre maternel : parquoy le huitieme est de rechef attribué à Saturne, ennemy des uies des naissans.

Les causes des diuersitez de sexe, & des similitudes à l'un des parens plus qu'à l'autre. Chapitre XVIII.

**S**I la semence uirile est plus uigoreuse, & surmonte la feminine, l'enfant, soit masle, soit femelle, resēblera au pere: & si la feminine precede en uertu, ou est pl<sup>o</sup> abōdante q̄ la masculine, certainement l'enfant



l'enfât de quelque sexe qu'il soit, resẽblera à la mere: & si la portion est egale, & que l'une ne soit plus uigoreuse ou plus fertile que l'autre, les figures des pere & mere serõt meslees en l'enfant, ou sera une troisieme figure ressemblât ne à l'un ne à l'autre. uoila les causes des similitudes: parlõs maintenant de la diuersité du sexe. Quãd les deux semences egales en uertu, sont iettees au costé droict de la matrice, il se fait un enfant masle, moderé tant en corpulence que en raison: & si les deux telles se iettēt en la partie senestre, il se fait une fille ayant tous les dons à elle appartenãs pour son sexe. Mais si la semence, feminine se tourne au costé dextre, il se fera une fille qui sera audacieuse plus qu'il n'appartient à son sexe, ou elle sera trop grande, ou noire, ou crespue, ou barbue, ou impudente, ou ayant grosse uoix, ou un aspect torue, ou toutes ces choses ensemble. Et si la masculine est iettee en la partie de la matrice, qui est feminine (qui est la partie senestre) sãs point de faulte il se fera un filz qui sera effeminé, sans barbe, ayant uoix feminine, muable, timide, delicat, croiant

DE LA CONTEMPLATION

legierement. La position des astres au tēps de la conception, faict diuers effectz en la production de l'enfant, car la decēte position d'iceulx donne elegāce au corps & à l'entēdemēt, telle que nature le requiert, & bon heur. Au contraire l'indecente situation d'iceulx, cause la monstrosité du corps. ou la defaillāce de la raisō, ou mauuaise fortune: à laquelle toutefois Dieu ne permet l'homme estre assubietty, sil ne se ueult librement condescendre à telle inclination.

De la superfetation. Chapitre XIX.

**L**A matrice est diuisee en deux coings pareilz aux deux cornes d'un moutō: ou semblables à la lune croissante: ces deux cornes se compliquent ensemble, & font deux cauitez. Quand donc icelles deux cauitez reçoient la semence en pareille portion en diuers coits, alors se faict la superfetation ou conception reiterée, que les Grecz appellēt *ἠδίκησις*. En ceste sorte furent conceuz Epiciclus & Hercules: car depuis qu'Alcumena eut conceu Epiciclus de son mary, elle conceut

ceut derechef Hercules de Iupiter. Cecy  
se peut faire aussi en un mesme coit.

De la diuersité des eages de l'homme.

Chapitre X X.


**A**ristote dict que l'enfant à cinq ans  
a acquis la moytié de sa grosseffe;  
& que à uingt & un an ( qui sont  
trois fois sept ) il croist en longitude:  
& iusques à trente ans en plenitude. l'ap-  
pelle plenitude non point de graisse, mais  
une decente procerité ou grosseur de  
membres. La uie de l'homme, selon  
les Physiciens, car ie delaisse les poëtes,  
est diuisee en huit eages. La premiere,  
est appellee puerile, & dure depuis la  
natiuité iusques à quinze ans. La secon-  
de est puberbe, depuis quinze iusques à  
dixhuit. La tierce est l'adolescence, de-  
puis dixhuit iusques à uingtcing. La qua-  
trieme est la ieunesse, ou eage florissante,  
depuis uingtcing iusques à trentecinq. La  
cinquieme est l'eage constante & moiën-  
ne entre ieunesse & uicillesse, depuis

trentecinq iusques à quarante neuf. La  
fixieme est la premiere partie de uieilles-  
se, depuis quarante neuf iusques à soixan-  
te. La septieme est la secunde partie de  
uieillesse, depuis soixante iusques à  
septante. La huitieme est la der-  
niere partie de uieillesse, &  
dure iusques à la mort.

FIN.

quarant. La  
re partu. les  
si iniqua.  
a secunde par  
coram respu  
nem. da de  
e uisib. et  
à la m.

N.



PR  
D

SEC  
E

V

Par

Cher  
P

